



Plan for gjennomføring av risikovurdering i alle avdelingar i Seljord kommune – 2013

Godkjend i AMU 17.1.2013

Alle avdelingar og verksemder i Seljord kommune skal foreta ei risikokartlegging ein gong pr. år.

Dette er heimla i kommunens årshjul for HMS-oppgåver/internkontrollsystem, Arbeidsmiljølova § 4-1 og Interkontrollforskrifta §5 punkt 6:

"Virksomheten skal kartlegge farer og problemer og på denne bakgrunn vurdere risiko, samt utarbeide tilhørende planer og tiltak for å redusere risikoforholdene. Risikokartlegging skal dokumenteres skriftlig.

Internkontrollen skal dokumenteres i den form og det omfang som er nødvendig på bakgrunn av virksomhetens art, aktiviteter, risikoforhold og størrelse. Dokumentasjon som følger av krav i eller i medhold av helse-, miljø- og sikkerhetslovgivningen, for eksempel instruksjer, tillatelser, kompetansebevis, sertifikater o.l. skal inngå."

- Det er arbeidsgjevar / avdelingsleiar som har ansvar for at arbeidsmiljøet er forsvarleg på alle måtar og samsvarer med regelverket som er gitt i arbeidsmiljølova, med tilhøyrande forskrifter. Det betyr at det er arbeidsgjevar som er ansvarleg for at risikokartlegging blir gjort.
- Verneombodet skal ha ei aktiv rolle i verksemda sitt HMS-arbeid. Verneombodet skal bli teke med på råd under planlegging og gjennomføring av tiltak som er viktige for arbeidsmiljøet innafor ombodets verneområde. VO skal vere med på alle vernerundar og risikokartlegging. VO skal vere med på å drøfte tiltak etter vernerundar og risikokartlegging.
- Personalet bør medverke på all risikokartlegging, og bør vere med på ei vurdering av tiltak.
- Eventuelle tiltak /tiltaksplan skal sendast AMU.
- Aktuelle skjema og hjelpemiddel ligg på kommunens intranett.
- Avdelingsleiarar og verneombod må få opplæring i framgangsmåte.
- Risikokartlegging skal vere tema på eit avdelingsleiar møte pr. år, og eit møte med verneombod pr. år.
- I årshjulet ligg rutinen på vårhalvåret for å sikre at ev. tiltak med budsjettmessige konsekvensar kjem med i budsjettarbeidet på hausten.

Avdelingane må sjølv vurdere kva for område dei ynskjer å sjå nærare på, ut frå ei vurdering av kva for farekjelder som er mest aktuelle. Farekjelder er alt som kan forårsake skade. Det kan vere kjemikalier, maskiner, arbeid i høgda, tunge løft, stress, osb. Risiko avgrensar seg ikkje berre til umiddelbare, fysiske farar. Dei hyppigaste årsakene til skadar og sjukdom i arbeidslivet i dag, er ergonomiske og psykososiale tilhøve, som muskel- og skjelettplager, stress, konflikhtar, trakassering o.l. Ei vurdering av risiko må difor også omfatte slike spørsmål.

Seljord kommune vil ta initiativ til at alle avdelingane gjennomfører ei risikokartlegging så snart som råd.